

672 Amalfiae nuper rep.

EILNIIABO PRIBATVS LVCI IN  
NOS IVNCTOQVE SECVND SIMILES INCOLVMIS  
NIM : RES HVMATVS DEBITVM SVMPSIT PERPETV  
MANIBVS THAEC. SORS// NEC TVCIT ALIQVIS IPSA  
5 huIVS SI LECTOR VIS NOMEN NOSSE SEPVLTI ORDIN  
sVRSO A SVMMA llitterA DISCeS COMPARI BENEmer  
QVI VIXIT ANNOS XXII MINVS VII MENSES  
dies XV DIES X KAL · MAIAS POST CONSECRATIONEM  
FL · GRATIANI AVGUSTI

p. C. 367?

Camera mem. di Amalfi p. 7.

6 TIIIRRA DISCIS traditur. — 8 videtur male soluta esse formula POST CONS.

673 nella Trinità della Cava.

ODOIV  
Q VI VIXIT ANNIS  
X LVII FECIT  
CVM CONPARE SVO  
5 ANNOV XXV IN PACE  
X

Bongianelli Vat. 5237 f. 252.

3 XL·VEI traditur.

674 [= 188] in gradu ecclesiae S. Mariae del  
Pino in pago Amalfitano.

HIC . . . . .  
VIX · II · I · IVNIUS  
DEPOSITVS · M · N · I · C

Pansa II p. 188.

## XXXI. SVRRENTVM (Sorrento). Tribu Menenia.

Surrenti oppidi nomen ponunt geographi (Mela 2, 4, 69; Strabo 5, 4, 8 p. 247; Plinius 3, 5, 62; Ptolemaeus 3, 1, 7 cf. supra p. 60; Stephanus s. v.) et itineraria (v. supra p. 58), multique eius meminerunt propter fabulas de Sirenibus et Minervae templo ab Ulysse condito (Strabo 1. c.) et de rege Aeolo (Diodor. 5, 7). Praeterea non raro, propter salubritatem maxime, Surrentina vina celebrantur (Plinius h. n. 14, 6, 64; vol. IV n. 2555. 2556 ibique citt.); villas denique ibi sitas cum alias tum Pollii Felicis fuse describit poeta Neapolitanus Statius (silv. 2, 2 al.; cf. Silius 5, 466: *Zephyro Surrentum molle salubri*). At de Surrentinorum re publica apud auctores nihil omnino repertum est praeter locum eumque et ipsum obscurum et perplexum libri coloniarum p. 236 hunc: *Surrentum oppidum: ager eius ex occupatione tenebatur a Graecis ob consecrationem Minervae: sed et mons Sirenianus [id est promunturium Minervae] limitibus pro parte Augustianis est adsignatus, ceterum in soluto remansit: iter populo debetur ubi Sirenae.* Accedit ex titulis, quod municipii locum obtinuit (n. 676). Nihilominus magistratus inveniuntur *Ivir* (*Ivir quinquennalis* n. 688) et *aediles* (n. 688). Sacerdotes adsunt *augur* n. 688, *flamen Romae (et) Ti. Caesaris Augusti* n. 688, *sacerdos publica Veneris* (cuius deae aedes nominatur n. 688) et *Cereris* n. 680. 688. Tribum Meneniam praeter titulos n. 688. 689 testatur urbanus (vol. VI n. 221: *Ti. Claudius Men. Latinus Surr.*). Familiae imperatoria partem ibi constitisse ostendunt tituli n. 691—713, nisi forte constitit Capreis magis quam Surrenti, sed hoc loco sepulturam habuit. — Sequuntur auctores.

I. Surrentina epigrammata primi referunt saec. XV exeunte et incipiente XVI IVCVNDVS f. 129 et, ex Iucundi pugillaribus omnino, BONONIVS, quamquam hic unum titulum n. 757 afferit ab ipso Iucundo in syllogen non relatum; auctor Pontanianus is, cuius fuit liber iam MARCELLIANVS A. 79. 1, a quo per Bongianellum ad MANVTIVM delata sunt; Iohannes BEMBVIS f. 98. 99, cui ea 'Surrenti descriptis Benedictus Maschianus Pisanus e lapidibus'. Horum trium auctorum nullus ex alio pendet; sunt boni omnes, optimus Marucellianus, qui versuum quoque ordinem servare solet, copiosissimus Bembus, qui plura solus servavit.

II. Post hos CAPACCIVS in historia Neapolitana edita a. 1607 l. 2 c. 12 titulos Surrentinos proposuit haud paucos, sed parum recte neque vero versuum ordine servato descriptos, subinde etiam interpolatos, ut n. 678 Faustae uxoris Constantini nomini eraso substitutur

mater Helena. Capaccium expilarunt exteri Reinesius Sponius Fabretti, et indigenae quoque a Capaccio editos titulos deinceps maluerunt ex eo repetere quam ad marmora exigere. — Quae GVDIVS dedit quinque epigrammata ms. p. 115. 116, e Capaccio quidem non sunt descripta (nam n. 668 non contaminatur ibi cum n. 679 et plenior est aliquot litteris n. 719), sed eandem interpolationem habent videnturque proficiisci ab auctore eo, a quo pendet Capaccius. Diversae originis sunt quae idem exhibit ms. 299, l. 2 (auctore non adscripto; adnotat Gudius alias Surrentinas non afferri, cum exhibeantur a Capaccio) et 452, 1 (a Carolo Strozza Florentino). — Eiusdem naturae nec maioris utilitatis sunt Surrentina quae leguntur cum apud VGHELLIVM in cod. olim Barberino, iam Vaticano 944 et in Italia sacra, tum ex schedis MAZAE apud Muratorium.

III. Saec. XVIII qui scripsit PHILIPPVS ANASTASIVS (lucubrations in Surrentinorum ecclesiasticas civilesque antiquitates. Romae voll. 1. 2. 1731. 4.) quas inscriptiones Surrentinas afferit, omnes e Capaccio descripti; nec Vincentii DONNORSO (Neapoli 1740) aliorumque historiae Surrentinae quidquam nobis dederunt. Ea quoque quae POCOCKIVS (inscr. ant. 1752) edidit pessime a se descripta Surrentina, parum adiuverunt. Sed protulit quaedam antea ignota LVDOVICVS AGNELLVS ANASTASIVS in 'animadversionibus in librum F. Pii Thomae Milante' (Neapoli 1751. 4.). Ea ipsa fere aliquanto peritus et diligentius a. 1758 exceptit Vitus GIOVENAZZI, quae exempla ab eo communicata cum Zaccaria hodie extant inter Mariniana bibliothecae Vaticanae cod. 9131 f. 324. 325.

IV. Nostra aetate Surrentinarum antiquitatum curam egerunt duo viri Franciscus DE LVCA Surrentinus (qui obiit a. 1849) et Bartholomaeus CAPASSVS. Ille lapides patrios in commentarios rettulit a Capasso et a me usurpatos; idem dispersos antea recensve inventos in domum suam congregavit, ubi eos descripsi apud ipsum a. 1845 quique eorum supererant apud heredes eius a. 1876. Capassus deinde vir strenuus et peritus rei epigraphicae profuit cum edito commentariolo (*topografia storico-archeologica della penisola Sorrentina e raccolta di antiche iscrizioni edite et inedite appartenenti alla medesima*. Neapoli 1846. 8. pp. 99) tum continua cura, quam per hos annos monumentis Surrentinis impendit. Praeterea ex schedis KLVEGMANNI nostri Surrentina quaedam accesserunt. — Nuper demum monumenta antiqua Surrenti publice composita sunt et exposita.